

遺山集

函六冊



遺山先生文集卷第五

雜言

去歲君遠游送仲梁出山

去歲君遠游今年客它州青天萬古一明月只與行
人生暮愁問君游何許情多地遐今偏處處金鞭斷
折騏驎死萬里長鴻思一舉憶初識子梁王臺清風
入座無纖埃華嶽峯尖見秋隼金眸玉爪不凡材西
園日晴花滿煙五雲樓閣三山巔玉樹瑤林照春色
青錢白璧買芳年三年一夢南陽道汴水迢迢
草拏雲心事人不知千首新詩怨石槁破屋仰見星
疎風露

有長劒爲君鳴不平泥途久辱思

一灘去去舉

清冷鄧州大師材望雄愛客不減

奇章公軍中宴酣筵鼓競銀燭吐焰如長虹幕中多
士君又往談笑已覺南夷空東州春迴十月後梅

分香入春酒平生得意欽與京青眼高歌望君久浙
江南下青沄沄石門細路蒼煙屯五松平頭白日靜
千山萬山如亂雲菊源不逐時事改芝嶺自與商顏
鄰他日想思一迴首漁舟時問武陵人

欽謂欽叔京即京父
也樂天書以微之爲微

此日不足惜

此日不足惜此酒不可無頗怪昌黎公亦復爲世儒
天生至神物與人作華胥一酌舌本腴二酌燥吻濡
三酌動高興四酌色敷腴連綿五六酌枯腸潤如酥

眼花耳熱後萬物寄一壺十酌未渠央百觚亦奚拘
人生一世間忽若過隙駒有酒不解飲問君誰與娛
君不見東家騎鯨李膽滿六尺軀萬言黃石策八陣
夔州圖酒酣起舞不稱意長吁青雲指夷吾又不見
西家紫髯郎老氣雄萬夫狂歌飲燕市擊筑聲嗚嗚
倚天長劍插少室頗欲四海皆東湖鷹揚虎視今焉
如河山永隔黃公鑪啣杯直待秋井塌青苔白骨憐
君愚少年覓計生白頭捫參歷井無危途慙不滿曉
良區區就令一朝便得八州督爭似高吟大醉窮朝
晡餘名安得潤枯骨四十豈不知頭顱此日不足惜
此酒不可無太虛爲室月爲燭醉倒不用春風扶

送韋顏赴召西臺廉簡李汾長源

昨日游崧丘今日西臺行勞生好夢亦大少枕中馬
嘶車鐸鳴山林之樂無虧成胡爲解蘭縛塵纓蒼生
望君湏一起我知無地逃功名關中得君作金城氣
象已覺西山平諸人誰出仲卿右一座想爲相如傾
風華浩蕩春冥冥馬頭僊掌遙相迎長安市上見李
白爲我一醉秦東亭

嵩山玉鏡

玉鏡見何許今日東山陞積雨洗昏霾旭日發光輝
光輝奪人目灩灩如動移初如秋月圓漸如曙星微
曙星不能久併與晨露晞此鏡何從來造化秘莫窺

山精或寶氣恍惚令人疑誰爲問岳祇山川英秀會
有歸不能生申與甫瑞王國萬丈光芒徒爾爲

虎害

北山虎有穴南山虎爲羣目光如電聲如雷倚蕩起
伏山之垠百人一飽不畱骨敗衣墜絮徒紛紛空谷
絕樵聲長路無行塵呀呀垂涎口耽耽闔城闔天地
豈不仁社公豈不神哀哀太山婦叫斷秋空雲可憐
封使君生不治民死食民世上無復裴將軍北平太
守今何人

飲酒

江南秋泉雲液濃遼東抹利玉汁鎔椰瓢朝傾荔支

綠螺杯暮捲珍珠紅此酒誰所畱今日乃汝逢僊人
一丸藥洗我芥蒂冒金沙一散風雨疾世事盡與浮
雲空東家劉伯倫西家主無功醉鄉日月萬萬古眼
中擾擾誰爲雄人會有歸盡飲不飲所同所恨獨醒
人百年枯槁中獨醒恨未通獨醉恨未公安得清江
變醇酎盡迴天地入春風

送高信卿

高卿去歲山中居橡朝粟暮分猿狙今年移家入城
市甌中生塵釜生魚文窮智亦窮五鬼更嘯呼迺翁
延客著上座兩兒已復遭椰榆三冬兔園冊牧豎叫
語麤溼薪煙滿眼破硯冰生鬚賣符與行藥不養堂

堂軀無衣思南州千里走單車我嘗相夫君不是山
澤懼十八學擊劍二十了陰符平生結友王與李袖
中頗有魚麗圖文武志膽誰不如不能拔劍斫蛟鱷
亦當赤手降於菟胡爲堅坐守寒饑坐令兒女悲窮
途萬事糊塗酒一壺別時聊爲鼓隴胡中原麟鳳今
如此莫道皇家結網疎

寄趙宜之

趙時在
盧氏

大城滿豺虎小城空雀鼠可憐河朔州人掘草根官
煮弩北人南來向何處共說莘川今樂土莘川三月
春事忙布穀勸耕鳩喚雨舊聞抱犢山摩雲出蒼稜
長林絕壑人迹所不到可以避世如七
人煮橡當果

穀煎术甘飴錫此物足以度荒歲況有麋鹿可射魚
可罾自我來嵩前旱乾歲相仍畊田食不足又復違
親邇三年西去心籠禽念飛騰一瓶一鉢百無累恨
我不如雲水僧崧山幾來層不畏登不得但畏不得
登洛陽一昔秋風起羨煞吳中張季鷹

段志堅畫龍爲劉鄧州賦

豬龍可豢亦可屠世人畫蛇復畫魚天飛忽入阿堅
筆始覺衆史欺庸愚腥風萬里來白浪橫江湖一麾
走海若再顧失天吳浩蕩明河翻尾鬣慘不濡只愁
紙上出雷火搏控大千如此珠天生神物與化俱滅
沒變見何所無逆鱗自古不受觸乃今縮頭隨卷舒

怪得堂堂髯御史平生有雨隨車

送詩人秦畧簡夫歸蘇墳別業

三月不見君渴心欲生塵論文一樽酒雅道誰當陳
昨朝見君臨水句乃知抽青配白非詩人南山明月
北山雲恨君不作由東隣擊鮮爲具非無好事者天
隨杞菊年年新石田茅屋連蘇墳兩兒力畊足養親
君詩或者昌晚節不應道路長逡逡白髮刀騷一幅
巾豐年鄉社樂閑身蹇驢馳入醉鄉去袖中知有睂
山春

紀子正杏園燕集

甲午歲

紀翁種杏城西垠千株萬株紅艷新今年寒食好天

色曉氣鬱鬱含芳。津天公自愛此花好。朝薰暮染。煩
花神融霞暈雪。一傾倒。非煙非霧。非卿雲未開。何所
似。乳兒粉粧。淡絳唇能啼。能笑。癡復騃。畫出百子元
非真。半開何所似。里中處女。東家隣陽和入骨。春思
動。欲語不語時。輕顰就中爛熳。尤更好。五家合隊。號
與秦曲江江頭。看車馬十里羅綺。爭紅塵陽平一邑
多詩豪。主人買酒邀衆賓。花時有成約。恨少楊子張
吾軍落花着衣紅。繽紛四座慘澹傷精魂。花開花落
十日耳。對花不飲。花應嗔。愛花常苦得花晚。爭教行
樂無閑身。芳苞一破。不更合。且看錦樹烘殘春。

送李參軍北上

五日過居庸十日渡桑乾受降城北幾千里出塞入
塞沙漫漫古來丈夫淚不灑別離間今朝送君行清
涕畱餘潛生女莫作王明君一去紫臺空佩環生男
莫作班定遠萬里馳書望玉關我知驥子墮地無齊
燕我知鴻鵠意氣青雲端草間尺鷃亦自樂扶搖直
上何勞搏一衣敝緼袍一飯苜蓿盤歲時壽翁媪團
圞有餘歡就令一朝便得八州督爭似綵衣起舞春
襴班去年雒陽人今年指天山地遠馬羈破霜重貂
裘寒朔風浩浩來客子慘在顏扼胡嶺上一迴首未
必君心如石頑君不見桓山鳥乳哺不得湏吏閑衆
雛一朝散孤雌回顧聲悲酸寒雁來時八九月白頭

阿母望君還

王黃華墨竹

爲郭輔之賦

古來畫竹尊右丞東坡歛袂不敢評開元石本出摹
寫燕市駿骨畱空名亦有文湖州畫意不畫形一爲
坡所賞四海知有篋管亭浚衣幅巾老明經老死不
敢言縱橫豈知遼江一派最後出運斤成風刃發矧
雪溪僊人詩骨清畫筆尚餘詩典刑月中看竹寫秋
影清鏡平明白髮生娟娟略似萱草詠落落不減叢
臺行千枝萬葉何許來但見醉帖字欹傾君不見忠
恕大篆草書法趙生怒虎嘖墨成至人技進不名技
游戲亦復通真靈百年文章公主盟屏山見之跽且

擎聲光舊塞天壤破議論今着兒曹輕有物於此鳴
不平悲耶嘯耶誰汝令只恐破窗風雨夜怒隨雷電
上青冥

汎舟大明湖

待杜子不至

長白山前繡江水展放荷花三十里看山水底山更
佳一堆蒼煙收不起山從陽丘西來青一灣天公擲
下半玉環大明湖上一杯酒昨日繡江睂睫間晚涼
棹東城渡水暗荷深若無路江妃不惜水芝香狼
籍秋風與秋露蘭襟鬱鬱散芳澤羅襪盈盈見微步
晚晴一賦畫不成枉着風標誇白鷺我時驂鸞追散
僊但見金支翠蕤相後先眼花耳熱不稱意高唱吳

歌叩兩舷喚取樊川。搖醉筆風流。聊與付他年。

九月七日夢中作詩續以末後一句

桃花紅深李花白。昨日成團。今日折歌聲滿耳。何處
來楊柳青旗。洛陽陌。拊君背。握君手。朝鐘暮鼓無了
期。世事於人竟何有。青青鏡中髮。忽忽成白首。六國
印。何如負郭二頃田。千載名不及。卽時一杯酒。

賦邢州鵲山

去時唐山道。望望鵲山背。今朝西北看。平聲奇秀益可愛。

蒼茫失層疊。解駁見縈帶。浮雲自來去。盡巧寧變壞。
吳糝入小筆。隱隱拂殘黛。城隅靜。女人不知擁髮低。
顰如有待。太行橫截九州半。一掩一重俱有態。只知

天平六峯天下稀此山東來亦閑在煙埋雨沒今幾
時殆天所藏予發之郭熙未足語平遠摹寫惟有韋
郎詩

送王亞夫舉家歸許昌

一日兩食藜藿葵三冬一褐毳與齊監河貸粟困欲
死望望江水湔塵泥故書一束手自攜汴兒跳梁翠
女啼出門疾走勿反顧正恐五鬼從之西馬中豈是
無龍媒世人徒知牝牡黃與驪只如黃金絡頭亦不
惡誰謂茅索能相羈天公醉着百不問汝偶而偶奇
而奇前途兀兀黑於漆昨日把筇今扶犁乃知世間
倚伏不可料井底容有青雲梯春風兩淮多鼓顰軍

中少年舞荒雞因君南望一大笑落日澹澹青山低
湧金亭示同游諸君

太行元氣老不死上與左界分山河有如巨鰲昂頭
西入海突兀已過餘坡陁我從汾晉來山之面目腹
背皆經過濟源盤谷非不佳煙景獨覺蘇門多湧金
亭下百泉水海眼萬古畱山阿鬱沸樂水源淵淪晉
溪波雲雷涵鬼物窟宅深蛟鼉水妃簸弄明月璣地
藏發泄天不訶平湖油油碧於酒雲錦十里翻風荷
我來適與風雨會世界三日漫堯羅山行不得山北
望空長哦今朝一掃衆峯出千鬟萬髻高峩峩空青
斷石壁微茫散煙蘿山陽十月未搖落翠絳雲旂相